

**Talamdan sa
Mga Mensahe alang sa Full-time Training
sa Spring Term sa 2026**

LINANGKOB NGA HISGOTANAN:

**ANG MAHINUNGDANONG MGA PUNTO SA KAMATUORAN SA MGA SULAT NI PABLO—
UNA UG IKADUHANG TESALONICA**

Mensahe 5

Ang Iglesia nga Pagkalawas sa Tulo-usang Dios

Basahong Kasulatan: 1 Tes. 1:1a; 2 Tes. 1:1; 1 Juan 1:1-2; 2:23-24; 2 Juan 9

I. “Ngadto sa iglesia sa mga taga-Tesalonica nga naa sa Dios Amahan ug ni Ginoong Jesucristo”—1 Tes. 1:1a:

- A. Gipahinungod kining Sulata ug ang 2 Tesalonica sa iglesia lokal sa Tesalonica, nga hinimo sa tanang magtutuo diha ni Cristo niadtong syudara.
- B. Iya sa mga magtutuo ug naa sa Dios Amahan ug ni Ginoong Jesucristo kanang iglesiaha:
 1. Nagpakita kini nga gipanganak sa Dios Amahan ang iglesia lokal pinaagi sa Iyang kinabuhi ug kinaiya ug organicong nausa ni Ginoong Jesucristo sa tanan Niyang pagkamao ug nabuhat.
 2. Iya kini sa mga tawo (sama sa mga taga-Tesalonica), apan organicong naa sa Dios ug sa Ginoo.
 3. Kining organicong pagkausa diha sa diosnong kinabuhi ug kinaiya maoy mahinungdanong sukaranan nga makakinabuhi ang mga magtutuo sa balaang kinabuhi alang sa iglesiahanong kinabuhi; kanang pagkinabuhia ang tema sa duha ka Mga Sulat.

II. Bulahan ta nga nakakita nga ang iglesia mao ang pagkalawas sa Tulo-usang Dios—Juan 1:12-13; 1 Juan 5:11-12; 2 Ped. 1:4:

- A. Naa ta sa iglesia, nga naa sa Dios Amahan ug ni Ginoong Jesucristo—1 Tes. 1:1.
- B. Kamulo tang gitransporma karon ngadto sa dagway sa Tulo-usang Dios ug gipasama niining dagwaya aron mahimong pagkalawas sa Tulo-usang Dios sa realidad ug sa praktikal gyod, nga ang Amahan maoy atong elemento, ang Anak maoy atong porma, ug ang Espiritu maoy atong pagpadayag, nagpasidlak sa himaya sa Tulo-usang Dios ngadto sa uniberso—Rom. 12:2; 2 Cor. 3:18.
- C. Mao kini ang iglesia nga napuno sa Tulo-usang Dios—2 Tes. 1:1.

III. Ang Tulo-usang Dios maoy estruktura sa Bag-ong Tugon:

- A. “Kon naghingilin *Ko* sa mga demonyo pinaagi sa *Espiritu sa Dios*, nan, nidangat na ang gingharian sa Dios kaninyo”—Mat. 12:28.
- B. “Magbautismo nila ngadto sa ngalan sa *Amahan* ug sa *Anak* ug sa *Espiritu Santo*”—28:19.
- C. “Ang *Maglilipay*, ang *Espiritu Santo*, nga ipadala sa *Amahan* sa *Akong* ngalan, tudloan mo *Niya* sa tanang butang ug pahinumdoman mo sa tanang butang nga gisulti *Nako* ninyo”—Juan 14:26.
- D. “Inig-abot sa *Maglilipay*, nga ipadala *Nako* ninyo gikan sa *Amahan*, sa *Espiritu sa realidad*, nga naggikan sa *Amahan*, manghimatuod *Siya* bahin *Nako*”—15:26.

- E. “Human ituboy ngadto sa tuong kamot sa *Dios* ug makadawat sa saad sa *Espiritu Santo* gikan sa *Amahan*, gibubo *Niya* kining inyong nakita ug nadungog”—Buh. 2:33.
- F. “Kon nagpuyo diha ninyo ang *Espiritu Niya* nga nagbanhaw ni *Jesus* gikan sa mga minatay, *Siya* nga nagbanhaw ni *Cristo* gikan sa mga minatay maghatag sab og kinabuhi sa inyong mga lawas nga dunay kamatayon pinaagi sa *Iyang Espiritu* nga nagpuyo ninyo”—Rom. 8:11.
- G. “Gipadala sa *Dios* ang *Espiritu* sa *Iyang Anak* nganhi sa atong kasingkasing, nga motuaw og, *Abba, Amahan!*”—Gal. 4:6.
- H. “Aron sumala sa kadato sa *Iyang* himaya, lig-onon unta mo *Niya* sa gahom pinaagi sa *Iyang Espiritu* nganha sa tawo sa sulod, aron makabalay si *Cristo* sa inyong kasingkasing pinaagi sa pagtuo”—Efe. 3:16-17a.
- I. “Usa ka Lawas ug usa ka *Espiritu*...usa ka *Ginoo*...usa ka *Dios* ug *Amahan*”—4:4-6.
- J. “Unsa pa kaha ang dugo ni *Cristo*, nga naghalad sa *Iyang Kaugalingon* nga walay apan pinaagi sa walay kataposang *Espiritu* ngadto sa *Dios*, moputli sa atong konsensya gikan sa patay nga mga buhat aron moalagad sa buhing *Dios*?”—Heb. 9:14.
- K. “Nga gipili sumala sa nahibaloan nang daan sa *Dios Amahan* diha sa pagbalaan sa *Espiritu* ngadto sa pagsugot ug sa pagsablig sa dugo ni *Jesucristo*”—1 Ped. 1:2.
- L. “Mainyo ang grasya ug kalinaw gikan *Niya* nga mao karon ug mao kaniadto ug mao sa umalabot, ug gikan sa *pito ka Espiritu* nga naa atubangan sa *Iyang* trono, ug gikan ni *Jesucristo*, nga matinumanong *Saksi*, ang *Panganay* sa mga minatay, ug ang *Magbubuot* sa mga hari sa yuta”—Bug. 1:4-5a.

IV. Gipadayag sa Mga Sulat ni Juan ang Tulo-usang Dios—ang Amahan, ang Anak, ug ang Espiritu—1 Juan 1:1-2; 2:23-24; 3:24; 4:2, 6, 13-14; 5:6, 11-12; 2 Juan 9:

- A. Kanang makaila sa Dios nga Amahan makaila man *Niya* nga tinubdan, ang bugtong-talagsaong Tigpasiugda, ang nagplano, nagsugod, ug nagpasiugda; naggikan *Niya* ang tanan, ug lugwa *Niya* ang tanan—1 Juan 1:2-3; 2:13, 15; 3:1; 4:14; Mat. 15:13; Rom. 11:36; 1 Cor. 8:6; Efe. 3:14-16:
 - 1. Ang Amahan maoy tinubdan sa kinabuhing dayon; gipadayag ang Anak gikan *Niya* ug uban *Niya* isip pagpadayag sa kinabuhing dayon aron maambitan ug mapahimuslan sa katawhang gipili sa Amahan—1 Juan 1:2-3; 5:11-12.
 - 2. Nagpasabot sa pagpaambit og kinabuhi ang ngalang *Amahan*; pinaagi sa pagkabanhaw ni *Cristo* gipaambit sa Amahan ang Iyang kinabuhi ngadto sa Iyang mga anak—3:1; 1 Ped. 1:3.
- B. Sa 1 Juan 1:1-2 ang *Pulong sa kinabuhi* ug *kinabuhi* pulos nagpasabot sa diosnong persona ni *Cristo* nga Anak, nga uban sa Amahan sa eternidad ug gipadayag sa panahon pinaagi sa pagpakatawo—Juan 1:1, 14:
 - 1. Si *Cristo* nga Anak mao ang walay kataposan, ang naa na daan sukad pa sa sinugdan—1 Juan 2:13a, 14a.
 - 2. Gipadayag ang Anak sa Dios, aron mabungkag ug malaglag *Niya* ang mga buhat, ang masal-anong binuhatan, sa yawa—3:8b.
 - 3. Gipadala sa Dios ang Iyang Anak ingon nga halad-pasig-uli alang sa atong mga sala—4:10:
 - a. Si *Cristo* ang halad-inihaw alang sa pagpasig-uli kanato atubangan sa Dios—2:2.
 - b. Gihalad ni Ginoong *Jesucristo* ang Iyang Kaugalingon ngadto sa Dios ingog halad-inihaw alang sa atong mga sala (Heb. 9:28), dili alang ra sa pagtubos kanato kondili sa pagtagbo sab sa gipangayo sa Dios, sa ingon niana nagpahiuli sa relasyon nato ug sa Dios.

4. Gipadala sa Dios ang Iyang bugtong Anak nganhi sa kalibotan aron makabaton tag kinabuhi ug mabuhi pinaagi Niya—1 Juan 4:9:
 - a. Giluwas ta sa Anak sa Dios dili lang gikan sa atong mga sala pinaagi sa Iyang dugo kondili gikan sab sa pagkapatay nato pinaagi sa Iyang kinabuhi—Efe. 1:7; 1 Juan 3:14-15; Juan 5:24.
 - b. Dili lang Cordero sa Dios si Cristo nga nagkuha sa atong sala kondili Anak sa Dios sab nga naghatag natog kinabuhing dayon—1:29; 3:36; 10:10b.
5. Ang Anak sa Dios maoy palagianan sa paghatag sa Dios sa kinabuhing dayon kanato—1 Juan 5:11-12:
 - a. Kay naa man sa Anak ang kinabuhi ug ang Anak mao ang kinabuhi, usa ra ang Anak ug ang kinabuhi, dili mabulag—Juan 11:25; 14:6; Col. 3:4.
 - b. Ang nakabaton sa Anak dunay kinabuhi, ug ang wala makabaton sa Anak walay kinabuhi—1 Juan 5:12.
 - c. Ang Manlalaban nato tali sa Amahan mao si Ginoong Jesus nga Matarong; kon makasala ta, atimanon ni Ginoong Jesus ang atong kaso, basi sa pagpasig-uli nga nahuman na Niya, pinaagi sa pagpangamuyo ug pagpangaliyupo alang nato—2:1; Rom. 8:34.
- C. Ang Espiritu sa kamatuoran sa 1 Juan 4:6 mao ang Espiritu Santo, ang Espiritu sa realidad—Juan 14:17; 15:26; 16:13:
 1. Ang Espiritu mao ang realidad; nagpasabot kini nga ang Espiritu mao ang realidad sa tanang pagkamao ni Cristo nga Anak sa Dios—1 Juan 5:6.
 2. Pinaagi sa Espiritu nga gihatag sa Dios kanato, nasayod ta nga nagpabilin kanato ang Tulo-usang Dios—3:24.
- D. Gipadayag sa 1 Juan 4:13-14 nga nagpabilin ta sa Dios Amahan ug naa Siya sa atong sulod, nga gihatagan ta sa Dios Amahan sa Iyang Espiritu, ug gipadala sa Amahan ang Iyang Anak ingon nga Manluluwas sa kalibotan:
 1. Ang *gikan sa Iyang Espiritu* (sa linetra) sa versiculo 13 nagpasabot nga madagayaon ug walay kinutoban ang Espiritu sa Dios, nga gihatag sa Dios kanato; tungod nianang madagayaon, walay kinutobang Espiritu nasayod ta nga dunay hingpit nga kasegurohan nga nausa ta ug ang Dios ug nagpabilin ta sa usag usa—Fil. 1:19; Juan 3:34.
 2. Gihatag sa atong Dios, nga Amahan, kanato ang malangkobon-sa-tanan nga Espiritung taghatag-og-kinabuhi, nga mao ang madagayaong sangkap ni Jesucristo, nga Anak—1 Cor. 15:45b; 2 Cor. 3:17.
- E. Ang makakita sa Dios nagpasabot nga makapahimulos ug makasinati sa Dios—3 Juan 11:
 1. Dili ta makakita sa Dios nga dili makapahimulos Niya, ug dili ta makaila sa Dios nga dili makasinati Niya—Job 42:5, nota 1.
 2. Ang pagkaila nato sa Dios ug ang pagkakita nato sa Dios may kalabotan sa pagsinati ug pagpahimulos nato Niya; ang pagsinati nato sa Dios mao ang pagkaila nato Niya, ug ang pagpahimulos nato sa Dios mao ang pagkakita nato Niya.
- F. Sa mahimo nang kasinatian ug pagpahimulos nato ang Tulo-usang Dios, dili lang Siya ang naa sa trono nga malukopon sa pagkalapad, kondili Siya sab ang naa sa atong kasingkasing—Bug. 4:2-3; 5:6; 1 Juan 3:19-21:
 1. Nakaila ta sa Tulo-usang Dios dili sa kalapad sa uniberso kondili diha sa personal nga ginsakpan sa atong kasingkasing—Heb. 8:10-11.
 2. Ang gitagad sa Bag-ong Tugon mao nga makaila ta sa Tulo-usang Dios nga nianhi aron mopuyo sa atong pagkatawo—ang Nagpuyo sa atong espiritu ug nagtinguhang

mokaylap sa tanang bahin sa sulod sa atong kasingkasing—Efe. 3:14-17a; 1 Juan 3:19-21.

3. Personal, detalyado, ug masinati ang paagi sa Bag-ong Tugon aron makaila ta sa Tulo-usang Dios—2:20, 27; Heb. 10:16.
4. Pagkabilihon gyod ning masinati nga pagkaila sa Tulo-usang Dios!